

廣

東

廣東方輿紀要叙

廣東在南服最爲完固地皆沃衍耕耨以時魚鹽之饒
市舶之利資用易足也誠於無事時修完險阻積穀訓
兵有事則越橫浦以徇豫章出湟谿以問南郡東畧七
閩通揚越之舟車西極兩江用獐獐之弓矢且也放乎
南海風帆頃刻擊楫江津揚舲淮渚無不可爲也豈坐
老於童山巨浸間哉或曰廣東以守則有餘以攻則不
足也昔者任囂謂尉佗曰南海僻遠東西數千里此亦
一州主也可以立國佗用其言而有國者數十年五代
時劉巖承父兄之業擅有嶺南享國者亦且四世此善

讀史方輿

卷一百 序

敦文閣

紀要

守之明驗也盧循徐道覆自嶺南圖江東而敗蕭勃白
嶺南圖豫章而敗歐陽紇未越嶺南而敗王仲宣欲以
嶺南復陳而敗文天祥張世傑欲以嶺南存宋而敗此
議戰而不議守之過矣余曰戰與守各以其時耳當守
而不知守以一隅之地而冀爭雄於天下其至於覆亡
也宜也當戰而不知戰使數郡以外盡爲他人之幅員
而猶冀人之不爲我患其可得乎從來有事於一方者
必當審天下之大勢不審天下之勢而漫應之戰與守
雖異而其至於敗亡則一也尉佗受任囂之命卽移檄
告橫浦陽山湟雞關曰盜兵且至急絕道聚兵自守夫

劉項相爭中國擾亂此可戰之時也而佗乃聚兵自守者佗新尉南海衆心未一欲先固根本而後從事於外耳漢既定天下急封吳芮以長沙所以塞嶺南之口也佗遂不敢與抗及吕后亂政佗始自尊爲帝發兵攻長沙邊邑敗數縣而去吕后亡而佗兵亦罷矣佗亦智矣哉夫佗固未嘗一日而忘用兵也觀其初行尉事卽擊并桂林象郡其後地益斥東西且萬餘里使當可乘之時其遂無意於中國哉劉巖據嶺南不能爲北出計者以湖南扼其吭也及湖南覆敗此嶺南得志之時矣乃僅西取昭桂北并郴連爲固圍計者劉晟非遠畧之主

讀史方輿

卷一百 序

二

敷文閣

紀要

也嗟夫盧循徐道覆海上逋逃耳一旦陷番禺陷始興晉力未能討也及循犯長沙而北道覆犯南康廬陵豫章而北順流長驅直指建康建康幾殆其終於無成者以盧循畏蕙不盡用道覆之謀耳非廣州之不足用也唐末黃巢轉輾殘掠竄入廣南旣而北還擾荆湖禍江淮殘汝洛陷長安陵寢陸沉乘輿播越廣南非其厲階乎蕭勃歐陽紇本皆庸才舉措周章適以自斃王仲宣內無根本之固外無強大之援倉卒舉事旋以潰散宋之末造奔亡不給假息無途豈能與全盛之敵抗哉夫時勢所在得人以乘之則起於草澤可以轉移六合也

時勢旣去則關河雖險不遑保矣何必嶺海之間能亡人國哉且不聞陳霸先之初起乎霸先之初不過始興相耳乘侯景之亂起兵北伐克平大憝卒成帝業惟其時也否則牂牁灘水橫浦桂陽並會番禺而南越亡矣拔昭賀克英韶進屯雙女山而南漢亡矣豈有力足以定中原而獨置嶺南於度外者明初王師至東莞何真遂以迎降也蓋嶺南當中原多故時進不能以有爲退猶可以自立及紛紜旣定必難久存矣善乎徐道覆之言曰本任嶺外豈欲以此傳之子孫哉夫嶺外之不可以傳子孫也道覆且能知之也然則守誠不易言也又

讀史方輿

卷一百

序

敷文閣

吾聞嶺南之勢在於嶺北徐道覆謂盧循劉裕若自將屯豫章遣諸將率銳師過嶺恐君不能當也高駢以黃巢在廣南請遣兵于郴州守險又分兵於循潮邀遮而身帥重兵於大庾嶺趨廣州潘美伐南漢先拔郴州又拔道州蓋所以奪其上游也至於大海在南上接三江東西便利劉裕方與盧循相持於豫章潯陽間水師已自海道襲番禺傾其巢穴矣唐咸通中安南爲南詔所陷諸道兵屯聚嶺南江西湖南餽運皆泝湘江灘水而至勞費艱阻澗州人陳磻石者請自福建運米泛海不一月至廣州軍食以足近時島倭爲患往往由浙閩海

道關入嶺南故嶺南之海防頗密夫吾以全軍下桂陽
畧長沙則當以奇兵出海道越閩浙問江淮矣或又曰
下桂陽何如出南康夫以南康較桂陽更爲艱阻出豫
章而泝江沱何如越長沙而震漢沔相時而動固有以
矣若夫假道桂州浮湘而下又踰嶺之西道也或後或
先用奇用正時哉時哉又可得而踰度之哉

讀史方輿紀要卷一百

崑山顧祖禹景范輯著
南昌彭元瑞共校定

廣東一

禹貢揚州徼外地三代時為蠻彝國

或謂之雕題題額也禮王制南方曰

雕題又山海經有離耳雕題之國楚離騷有

後為百越

地亦曰揚越

國策吳起為楚悼王南攻揚越史記起本傳作南平百越孔氏曰越在揚州南境故

曰揚

越其在天文則牽牛婺女之分野秦并天下置南海

等郡亦謂之南越

秦本紀始皇三十三年畧取陸梁地為南海桂林象郡以適遣戍三十四

年又諫人築南越地又設南海尉以董之所謂東南一尉也孔氏曰嶺南之人多處山陸其性強梁故曰陸梁

史記南越班固作南粵粵即越也今人多以兩廣為粵閩浙為越矣

秦末趙佗王其地漢

紀要

讀史方輿

卷一百

一

敷文閣

元鼎六年討平之尋置交阯刺史後漢因之

漢刺史無常治王範

交廣春秋漢初交州治羸樓元封五年移治蒼梧廣信縣建安十五年復徙番禺沈約曰漢交阯刺史治龍編

建安八年改曰交州治廣信十六年徙治番禺三國吳黃武五年析置廣州治番禺而交州還治龍編其後以

交州并入廣州永安七年仍置廣州治番禺廣信今廣西蒼梧縣羸樓龍編今俱見安南境內

分交州立廣州

詳見

晉因之宋又分置越州

泰始七年置治臨漳

即今廉州府

齊梁因之

梁大同以後置州益多無復古制

隋亦屬揚州

部大業末屬蕭銑唐討平之貞觀初置嶺南道

治廣州開元中

曰嶺南

節度咸通二年分為嶺南東道五代時屬於南漢宋

淳化四年為廣南路至道三年分為廣南東路元置廣

東道及海北海南道宣慰等司

廣東道治廣州海南海北道治雷州隸江

西行省明洪武九年改置廣東等處承宣布政使司領
府十直隸州屬州七屬縣七十六總為里四千二十八夏秋二稅大約
百七十二石有奇而諸司衛所參列其中今仍為廣東
布政使司

廣州府 屬州一 縣十五

南海縣 附郭 番禺縣 附郭 順德縣

東莞縣 新安縣 三水縣

增城縣 龍門縣 香山縣

新會縣 新寧縣 從化縣

清遠縣

讀史方輿 卷一百 廣東一 二 敦文閣
紀要

連州 領縣二

陽山縣 連山縣

肇慶府 屬州一 縣十

高安縣 附郭 高明縣 四會縣

廣寧縣 新興縣 陽春縣

陽江縣 恩平縣

德慶州 領縣二

封川縣 開建縣

直隸羅定州 屬縣二

東安縣 西寧縣

韶州府 屬縣六

曲江縣 附郭 英德縣 樂昌縣

仁化縣 乳源縣 翁源縣

南雄府 屬縣二

保昌縣 附郭 始興縣

惠州府 屬縣十

歸善縣 附郭 博羅縣 長寧縣

永安縣 海豐縣 龍川縣

長樂縣 興寧縣 河源縣

和平縣

讀史方輿 卷一百 廣東一 三 敷文閣

潮州府 屬縣十一

海陽縣 附郭 潮陽縣 揭陽縣

程鄉縣 饒平縣 惠來縣

大埔縣 平遠縣 普寧縣

澄海縣 鎮平縣

高州府 屬州一 縣五

茂名縣 附郭 電白縣 信宜縣

化州 領縣二

吳川縣 石城縣

雷州府 屬縣三

海康縣

附郭

遂溪縣

徐聞縣

廉州府

屬州一

縣二

合浦縣

附郭

欽州

領縣一

靈山縣

瓊州府

屬州三

縣十

瓊山縣

附郭

澄邁縣

臨高縣

定安縣

文昌縣

會同縣

樂會縣

儋州

領縣一

讀史方輿
紀要

卷一百

廣東一

四

敷文閣

昌化縣

萬州

領縣一

陵水縣

崖州

領縣一

感恩縣

東連七閩

惠潮二府與福建之汀漳接境山谿相錯伏莽之患

常多

南濱大海

自潮州府之東南與福建之漳州海洋接自廉州府

欽州之西南與交隘海洋接東西相距二千四百餘里而瓊州一府峙大海中尤為險遠

西距安南

安南自廉州府欽州分界由海道以入交州則欽州海陽其必出之途也

北據五嶺

五嶺之首曰大庾嶺在南雄府北六十里與江西分險綿亘而西為騎田嶺都龐嶺與湖廣分險秦王翦降百越以謫戍五萬人守五嶺淮南子曰始皇使尉屠睢發卒五十萬為五軍一軍塞鐔城之嶺見湖廣黔陽縣

紀要

卷一百

廣東一

五

敷文閣

一軍守九疑之塞九疑見湖廣名山一軍處番禺之都一軍

守南野之界即江西南安府一軍結餘干之水見江西饒州府或謂

此為五嶺非也漢書張耳傳秦有五嶺之戍裴淵廣

州記五嶺大庾始安臨賀桂陽揭陽也鄧德明南康

記南康大庾嶺一桂陽騎田嶺二見湖廣郴州九真都龐

嶺三見湖廣藍山縣臨賀萌渚嶺四見湖廣江華縣始安越城嶺五

見湖廣西興安縣水經注最東曰大庾嶺在南康第二曰騎田嶺在桂陽郴縣第三曰都龐嶺在南平縣第四曰萌渚嶺在馮乘縣第五曰越城嶺在始安縣鄧氏以都龐在九真者誤也杜佑亦曰塞上嶺一也即大庾嶺今詳見騎田嶺二也都龐嶺三

也曰在湖廣永明縣萌渚嶺四也越城嶺五也縣周與水經注不同

志非則曰五嶺之說舊以為皆指山名考之乃入嶺之塗五耳非必山也自福建入廣東之循梅一也自江西之南安入南雄二也自湖廣之郴入連三也自道州入廣西之賀縣四也自全入靜江五也今大庾嶺實為北面之巨鎮云

其名山則有羅浮

羅浮山在廣州府增城縣東北三十里惠州府博羅縣西北五十里其山袤直五百里高三千六百丈峯巒四百三十有二嶺十五洞壑七十有二谿澗瀑布之屬九百八十有九蓋宇內之名山東粵之重鎮也

讀史方輿 卷一百 廣東一 六 敷文閣

五代周顯德六年南漢主劉鋹建天華宮於山中在

之西即朱宋開寶初鋹又鑿增江水口欲通舟道入

山不果蘇軾曰鋹於無事時以羅浮為嶺南志羅山

之脈來自大庾浮山乃蓬萊之一島來自海中與羅

山合故曰羅浮名山記羅浮山有洞周五里道書以

勾曲上有分水嶼謂之泉源福地山經五嶺擁從衡

嶽如君而羅浮傑出為之佐命又舊圖經羅浮山西

距番禺二百里上有桂樹神湖山海經云桂林八樹

在番禺之東即此山也一名博羅山俗傳堯時浮山

自會稽浮海而至傳於羅山云元史至正元年羅浮

山崩二十七處壞民居埋田澗山水湧溢溺死百餘

人其瑰奇靈異游歷所不能遍大約峯之秀者為飛

雲玉鵝麻姑會真會仙錦繡玳瑁之屬洞之幽者為

夜樂石血朱明黃龍朱陵黃猿水簾蝴蝶之屬而石

樓鍊橋之勝尤為傑出云宋鄒師正羅浮指掌圖畧

明月戒壇登山歷錫杖泉羅漢巖伏虎巖一十餘里

而至於大小石樓二樓相去五里皆高出雲表重巖四

柱如樓有石門方廣可容几席俯視滄海夜半見日

初出其山岸周迴五里澗水消長應海潮盈縮之候

又上為鐵橋峯即羅浮二山相接處也中有石如梁

湍水出焉分東西流注於潭又南流注於淵一名神

湖道書所謂泉源福地也又有上界三峯上接鍊橋

高三十仞不可上其下透迤有滙水與潮汝應曰堆

池第三峯頂又有青羊巖其下曰夜樂洞昔人常聞

仙樂於此洞在神湖東洞中有犀牛潭瀑布泉泉從

上界三峯側懸流下注三十餘仞又有鳳凰谷及鳳

浴潭皆在夜樂洞中鍊橋相接者曰瑤石臺高五百

六十丈有奇梁大同中僧景泰者建連雲塔於其上

亦名飛雲塔在浮山上鐵橋之左曰王鵝峯一名鵝

嶺右曰聚霞峯羅山之西為麻姑峯有麻姑壇相近

者為雙髻峯下有羅陽溪羅浮諸峯之水西滙於此

紀要

羅山之西南曰飛來峯下為梅花村又黃龍洞在聚

霞峯之東本名金沙洞兩峯相疊一水中流南漢主

銀欲作天華宮夢金龍起於宮前因改今名并建宮

於此今呼為西天華其後有鳳凰崗雲母溪自麻姑

峯而西南有觀源洞一名麻姑洞其西北有幽居洞

滴水巖幽居洞後又有長壽觀南漢時亦建天華宮

於此今呼為南天華又北為君子巖巖側有通天巖

雲峯巖其下曰蝴蝶洞前曰水簾洞又有天漢橋其

下為流杯池又南為朱明洞道書所謂第七洞朱明

曜真之天也其東有青霞谷又有野人洞一名王子

洞又天漢橋東有會仙橋橋東有明福觀南漢所建

亦名九天觀相近有小水簾洞又東北有蛇穴舊傳

穴通眉州又東數里至蓬萊洞鴉髻峯上為劉仙壇

高百丈許下臨羅陽溪山之東西有香臺會真櫻桃

拋毬刀子錦繡黃猿鉢孟致雲大旗小旗雲母雞籠

諸峯又有金沙石血朱陵太和歐陽赤水白雲及風

洞雲洞雨洞白角大慈寺古老白芒古洞及桃

榔大坑諸洞奇巖秀岑湍流怪石不可名狀矣

其大川則有西江

讀史方輿 卷一百 廣東一 敷文閣

西江卽廣西黔鬱桂三江之水自梧州府東流入肇

慶府界歷德慶州封川縣西而賀江流入焉賀江見廣西賀

縣經縣南又東至州城南亦曰南江亦名晉康水又

東繞府城而東南流出羚羊峽入廣州府順德縣界

亦謂之龍江又東流至府城西北會北江之水又流

至府城南而會東江之水並流而入於海漢伐南越

灘水牂牁之師並會於番禺卽是道也南齊書西南

二江川源深遠別置都護專征討之任西江實兼南

江之名矣謂之二江悞也梁大同十一年交阯李賁作亂命

楊暉爲交州刺史討之又命定州刺史定州今廣西鬱林州蕭

讀史方輿 卷一百 廣東一 八 敷文閣

勃會暉於西江太清末陳霸先爲西江都護起兵討

侯景隋唐以後嶺南用兵恒以西江爲要害宋皇祐

四年儂智高陷邕州沿江東下濱江州郡悉被殘破

遂圍廣州官軍拒却之明初廖永忠等定廣州復奉

詔引兵趨廣西由肇慶泝西江而上抵梧州是也今

西粵往來百斛巨舟可方行無礙者惟西江耳詳見

川瀆盤江

北江 東江附

北江卽湟水瀘水合流之水也湟水出湖廣寧遠縣

九疑山流入廣州府界通志湟水俗呼瀘江以出於

梧州黃岑山亦名黃水悞

經連州陽山縣東西南流經州城東又折而東南入
韶州府英德縣界又南流入廣州府清遠縣境至縣
東南與湏水合亦曰浚水亦曰湏水亦曰浚水其合
湏水之處亦曰湏口亦曰浚口漢元鼎五年伐南越
伏波將軍路博德引兵出桂陽下湏水陳大建二年
廣州刺史歐陽紇以州叛陳將章昭達將兵討之兼
行至始興紇聞昭達奄至出頓湏口多聚沙石盛以
竹籠置於水柵之外用過舟艦昭達居上流裝艦造
拍乘流突進紇衆大敗遂擒之宋開寶三年潘美克
南漢之郴州劉鋹懼遣其臣邵廷珩屯浚口是也湏

水出南雄府北大庾嶺東南流復折而西南經府城
南又西南經始興縣西而入韶州府界經府城東有
武水出湖廣臨武縣之西山流經郴州宜章縣南而
入韶州府樂昌縣境又東南流至府城東南而合湏
水亦曰曲江亦曰相江亦曰始興江又南流經英德
縣西出湏陽峽入廣州府清遠縣界經縣東又南則
湏水流會焉又南流經三水縣西至府西北三十餘
里透迤而下會於西江漢伐南越樓船將軍楊僕引
兵出豫章下湏水是也今自庾嶺而南取水道由始
興江口可以徑抵廣州且東達惠潮西屆潯梧矣又

有東江源出江西安遠縣界流入惠州府龍川縣境
至縣南爲龍江又西南流經河源縣南爲槎江南流
至府城東北折而西過博羅縣南又西南流入廣州
府東莞縣境經縣北又經增城縣南而至府之南境
會西江以入海亦謂之三江口以東西北三江爲名
也南史宋元嘉十年徙謝靈運於廣州或皆靈運令
人買兵器結健兒欲於三江口篡取之不果靈運
因棄市卽此三江周匝三垂南則濱大海云

海

海環廣東南界倚爲險固然攻守之計亦莫切於海
晉義熙七年劉裕與盧循相持於豫章而遣別將孫

紀要

讀史方輿

卷一百

廣東一

十

敷文閣

處等由海道徑擣廣州傾其巢穴循以敗亡唐乾元
初廣州奏大食波斯圖州城掠倉庫焚廬舍浮海而
去咸通二年安南陷於南韶諸道兵赴援皆屯聚嶺
南用潤州人陳磻石議自福建運米泛海至廣州軍
食始足宋末車駕自閩入越旣而蒙古將張宏範將
兵由潮陽入海追宋少帝於崖山宋亡明初命廖永
忠由福州海道取廣東永忠奄至東莞何真迎降而
廣州亦下洪武永樂間倭彘八犯廣東屢爲所擾嘉
靖中倭寇閩浙滋蔓亦及於廣東議者謂廣東海防
當分三路三路者左爲惠潮右爲高雷廉而廣州爲

中惠潮二郡皆與福建接壤而潮尤當其衝柘林南澳皆要區也由柘林而西爲大城海門靖海蓬州諸所又西接甲子門碣石平海諸衛所皆爲南面之蔽儻柘林南澳失守是無潮也平海碣石失守是無惠也海防考惠潮之備以柘林爲最要柘林乃南澳海道之門戶據三路上游番舶自福趨廣悉由此入其去惠潮水寨遠幾百里水寨爲惠潮之衝而柘林又爲水寨之衝慎固之防不可不豫而大城所聲援差近備尤不可或踈也若夫中路之備則在屯門雞欄佛堂門冷水角老萬山虎頭門等澳而南頭澳在虎

頭門之東爲省會門戶海寇往往窺伺於此爲闌入之途則東莞大鵬之戍守宜切也又西則峽門望門大小橫琴山零丁洋仙女澳九竈山九星洋諸處而浪白澳在香山澳之南爲番舶等候接濟之所則香山所之戍守宜切也又西爲崖門寨門海萬斛山硎洲等處而望峒澳在崖門之西爲番舶停畱避風之門戶則廣海衛及新寧海朗二所之戍守宜切也若西路二郡去倭島似遠而安南占城暹羅滿刺諸番風帆易達高州之南神電衛所轄一帶海澳若蓮頭港汾洲山兩家灘廣州灣皆府之南翰也雷州凸出

海中三面受敵其遠溪湛川濶洲樂民等四十餘隘
固爲門戶之險而海安海康黑石清道并徐聞錦囊
諸隘亦所以合防海澳者也至於廉州之境尤爲全
廣重輕故兵符特劄於靈山達堡增屯於衛北海寇
之驚峒獠之擾外彝之侵有兼憂焉永樂七年倭嘗
陷廉州矣而瓊州又廉之外戶也五指腹心盡爲黎
據所設城邑類皆濱海備倭之制若白沙石礮培頭
文昌與海安海康對峙番島飄風突來防禦甚艱此
西路所當加意者也又濱海諸邑爲盜賊淵藪者如
增城東莞之茶窖十字窖番禺之三曹波羅海南海

讀史方輿 卷一百 廣東一 三 敷文閣 紀要

之仰船岡茅窖順德之黃頭涌香山新會之白水分
水等處往往歲集凶徒以小艇出沒珠禁弛則糾黨

盜珠禁嚴則誘倭行劫此又當詰姦禁宄以消其

萌矣海道考廣州海船造諸番出虎頭門始入大洋

分東西二路東洋差近西洋差遠宋於中路置

巡海水師營壘今爲東莞縣南頭城東南海路二百

里至屯門山水皆淺日可行五十里乃順帆風西行

一日至九州石又南二日至象石若用東風西南行

七日至九乳螺洲又西南行三日占不勞山西去

占城二百里又南二日至陵山其山峻而方有泉下

繞如帶卽占城地也陸行至賓童國一月程東去麻

逸國二日程水行一日至東西竺崑崙洋又日行

至古苴國其王號苴屈卽真臘也又半日行至奔沱

浪洲卽丹眉流國又二日至軍突弄山又五日至海

峽南北百里北岸則羅越國卽暹羅也南岸則佛逝

國占城屬國也又東水行四五日至訶陵國今瓜哇

也爲南海中最大洲又西出峽三日至葛葛僧祇國

郎佛逝西北隅之別島國人多鈔暴乘船者多畏之
疑卽昔之婆利國今佛朗機也其北岸則阿羅國一
名阿羅陀今滿刺加也阿羅西則阿谷羅國一名阿
羅單又從葛葛僧祇四五日行至婆露國一名阿魯
又六日行至至婆那國一名須文達那卽今蘇門答刺
國也又西至伽藍洲一名翠藍嶼又北四日行至師
子國其地在西洋之西北岸距南天竺大岸百里白
伽藍洲行二十日至榜葛刺國卽西天竺也一日西
印度海口有察地岡番商於此抽分云天竺之西千
五百里日注鞏國宋大中祥符八年其貢使言從本
國舟行七十七日歷加勿丹山娑里西蘭山至古羅
國又行七十一日歷加勿丹山娑里西蘭山至古羅
三佛齊國又行十八日渡巒山口水口歷天竺山至賓
頭狼山之西王母塚距舟所將百里又行二十日度
羊山九畏山至廣州之琵琶洲離本國凡千一百五
十日云又雷州控入海水路從州東至海三十里渡
海抵化州吳川縣之硃洲入廣州通閩浙從州南陸
行一百七十四里至遮角場抵海南泛海一程可至
瓊州從州西陸行一百五十里泛海水路至安南諸
番國又瓊州東至海一百二十里直通大洋故諸番
讀史方輿 卷一百 廣東一 三 敷文閣

其重險則有梅關

紀要 船雖東洋琉球等國 被風漂多至瓊州也

梅關在南雄府北六十里大庾嶺上東北去江西南
安府二十五里雄傑險固爲南北之襟要亦謂之橫
浦關自秦戍五嶺漢武遣軍下橫浦關常爲天下必
爭之處有驛路在石壁間相傳唐開元中張九齡所
鑿宋嘉祐中復修廣之舊時嶺上多梅故庾嶺亦曰
梅嶺關曰梅關今梅廢而關名如故有官軍戍守詳
見江西重險大庾嶺
按廣東之地介於嶺海間北負雄詔足以臨吳楚東

肩潮惠可以制歐閩西固高廉扼交邕之噤吭南環
瓊島控黎彝之門戶而廣州一郡屹爲中樞山川綿
邈環拱千里足爲都會矣肇慶接壤梧州指臂相倚
谿峒猺獞藉以控制若四郊多事鼓棹西江不過六
七百里而徑達番禺此上游之險也連州北通郴永
可以直走湖南且西與平樂之賀縣連界由此縱橫
南北似爲徑易雖南雄密邇大庾由嶺南下可以捷
走韶州然由連指韶潘美之師實奪劉鋹之鬼兵固
無常勢矣潮州東接漳州海寇窺伺必假途於此而
柘林寨其首衝也廉欽及高雷二郡與粵西皆犬牙
相錯肘腋之防不惟一族不特爲交趾障蔽也利害
之機安危之繫有近而不察忽不及防者持籌粵東
而僅斤斤於番舶之恣擾鑛冶之奸頑抑未矣